



**Improving
access to
higher
education**

Page 5



**Working
towards safer
communities**

Page 7

**JOBS
INSIDE**

Building a better life for all

Cecilia de Vos Belgraver and Amukelani Chauke

President Jacob Zuma says government is working hard to protect South Africans against the effects of the negative global economic downturn on the local economy.

He emphasised that despite the economic challenges, government remains pro-poor and intent on making life better for all, especially for the poor and the working class.

"We have taken concrete measures to reduce the negative impact of the economic downturn of our economy and to prepare for robust growth when the economic cycle turns positive.

"We are also working hard to remove domestic impediments to growth."

The President said this during The Presidency Budget Vote in Parliament recently.

GROWING THE ECONOMY

Part of government's efforts to reignite growth and build a better life for all includes implementing the Nine-Point Plan which aims to boost economic growth and create jobs.

"Energy is high up on the agenda. During last year's Presidency Budget Vote debate our country was facing an acute energy challenge. We have made remarkable progress since then," said President Zuma.

He added that the Ingula power plant will soon add 330 megawatts of electricity to the national grid and in five years' time South Africa will have surplus electricity. A renewable energy project for South Africa worth US\$180 million was recently approved by the BRICS Development Bank, which will have its African Regional Centre in Johannesburg.

"Most importantly, there has been no load shedding for close to a year now. It is clear that the decisions and steps we took are beginning to bear fruit."

DEVELOPING INFRASTRUCTURE, CREATING JOBS

Government is also using infrastructure as a key instrument to create jobs and to build a better life for all.

"Through the Presidential Infrastructure Coordinating Commission, we have made tremendous strides in fast tracking infrastructure across the country.

"In the past year, we can count the building of 160 new schools, 29 new clinics, the connection of 245 000 houses to electricity and building close to 150 000 new houses. The construction of three universities, 12 technical colleges as



President Jacob Zuma says government is committed to making life better for all.

well as courts is on-going," said President Zuma.

He added that the construction of economic infrastructure is also continuing through the delivery of rail, road, dams, bus rapid transit systems, refurbishing ports, building boats and also the three new power stations.

"South Africa is a nation at work, with government leading the way, in building a better life for all."

PROGRESS ON OPERATION PHAKISA

Government launched Operation Phakisa in the Oceans Economy in Durban in 2014, followed by Phakisa projects on the Ideal Clinic and basic education, focusing on information and communication technologies. Phakisa Mining will be launched soon.

Through Operation Phakisa government aims to implement its policies and programmes better, faster and more effectively.

To date much progress has been made.

"In less than two years we have invest-

ed billions of rands in infrastructure development."

These investments include: Transnet's National Ports Authority's R7 billion allocation for port infrastructure, R3.6 billion investments in boat-building and a fuel storage facility in Cape Town, the R80 million allocation for rehabilitating and maintaining proclaimed fishing harbours, and the establishment of three new harbours that will provide opportunities for local and rural economic development.

Phakisa Education has delivered electronic administration infrastructure to over 22 000 schools and over 1 500 schools now have internet connectivity, to the benefit of over a million learners across South Africa.

WOMEN EMPOWERMENT

The President added that billions of rands have been set aside to support women-owned businesses.

He said the Status of Women in the South African Economy Report, which was produced by the Ministry in The Presidency

responsible for Women, exposed gaps and showed that more must be done to empower women in the economy.

"In September 2015, I issued a directive to economic cluster departments to place the empowerment of women centrally in their plans and in particular, in the Nine-Point Plan to further grow the economy.

"Progress is being made. The departments of Human Settlements, Public Works and Small Business Development are utilising the approach of set-asides to enhance women's empowerment," he noted.

President Zuma said women contractors were allocated over R3 billion of the Human Settlements Development Grant for the 2014/2015 financial year alone.

"This allocation was shared by over 112 female-owned enterprises."

As the country prepares to commemorate the 60th anniversary of the women's march to the Union Buildings, the President pointed out that a lot has been done to empower women.

IVOTI YOHLAHLA LWABIWO-MALI

Ukuphucula ukufikelela kwimfundo ephakamileyo



Urhulumente wabele i-NSFAS iibhiliyoni zeerandi ukuncedisa abafundi abangaphezu kwama-400 000 ukuba baqhubeke ngezifundo zabo.

Amukelani Chauke

Urhulumente uzinikele ekuboneleleni ngemfundo ephakamileyo esemgangathweni, efikelekayo, esemandleni neziintlobo ngeentlobo kwaye uza kuqinisekisa okokuba abemi boMzantsi Afrika abaphumelelayo kwizifundo zabo babe beswele imali abashiyekeli ngemva. Oku kuthethwe nguMphathiswa weMfundo ePhakamileyo noQeqesho, uBlade Nzimande, xa ebesandlala iVoti yoHlahlo Lwabiwo-mali yesebe lakhe ePalamente. UMphathiswa uphawule okokuba urhulumente wabele iNgxowa-mali yeSizwe yokuNceda abaFundi ngeziMali zokuFunda (i-NSFAS) iibhiliyoni zeerandi ukuncedisa abafundi abangaphezu kwama-400 000 ukuba baqhubeke ngezifundo zabo. “Imali ezibhiliyoni eziyi-4.57 zeerandi yabelwe i-NSFAS ngowama- 2016/17, kule imali ezibhiliyoni eziyi-2.54 zeerandi iza kuqinisekisa ukuba abafundi abangama-71 753 ababengafumananga nkxaso-mali, okanye inkxaso

enganelanga, ukususela kowama-2013 ukuya kowama-2015 bangazihlawula izikweliti zabo, zize iibhiliyoni zeerandi eziyi-2.03 zona zilungiselelwe ukuqinisekisa okokuba aba bafundi kwanabahlelekileyo abangena ezidyunivesithi okokuqala banakho ukufunda,” utshilo. Emva kokuba uMongameli Jacob Zuma azise okokuba imali ehlawulelwa ukufunda ayisayi kunyuswa kumaziko emfundo ephakamileyo kwakuba kukhe kwakho uqhankqalazo lwabafundi elizweni liphela ngenxa yexabiso lemfundo, iidyunivesithi zashiyeka zisilela ngeebhiliyoni eziyi-2.3 zeerandi. “Sibekela bucala imali eyibhiliyoni eyi-1.9 yeerandi kule bhiliyoni iyi-2.3 yeerandi isileleyo emva kwesivumelwano. Siphinde sathi chatha kwisibonelelo seedyunivesithi imali engaphezu kweebhiliyoni eziyi-5.7 zeerandi kule minyaka mithathu izayo ukuze siqinisekise okokuba okwakumiswa kokunyuswa kwemali yokufunda kowama-2016 akukhokeleli ekubeni ukunyuswa kwemali yokufunda kwixesha elizayo kungalawuleki,” uchaze ngelitshoyo uMpha-

thiswa. Imali eyabelwe i-NSFAS iza kunyuka ngama-47.3% kwimali esisiqhelo eyabelwa i-NSFAS kowama-2016. UMphathiswa uthe oku, kwakunye nezinye izimali ze-NSFAS, ziza kufundisa ezidyunivesithi abafundi abangama-205 000 kulo nyaka, nabanye abangama-200 000 kwiikholeji zeMfundo noQeqesho lobuGcisa namaKhondo (i-TVET). “Bebonke ngabafundi abangama- 405 000 abaxhaswa ngurhulumente, inkulu kakhulu ke loo nto. Sikwanalo necebo labafundi abaphuma kumakhaya anemivuzo engaphezu komyinge obekwe yi-NSFAS, kodwa abangenayo imali yokufunda edyunivesithi noxa kunjalo. Le ndlela yethu intsha sizimisele ukuyivavanya ngowama-2017 kwaye isebenze ngokupheleleyo ngowama- 2018,” utshilo. UMphathiswa wongeze ngelithi iKhomishini kaMongameli iphanda into yokuba ngaba ingakho na imfundo engahlawulelwayo ngabafundi basedyunivesithi nabase-TVET.

INDAWO YOKUHLALA ABAFUNDI UMphathiswa uphinde wathi kulo nyaka uza kuphehlelela iNkqubo yeeNdawo zokuHlala Abafundi, nkqubo leyo eza kujongana nemingeni yeendawo ekuhlala kuzo abafundi. Uthe isebe lakhe liza kudandalazisa inkqubo eza kuhlala ixesha elide lisebenzisa imifuziselo yenkxaso-mali nobuchwepheshe bokwakha obuza nezinto ezintsha ukuze kubekho iindawo zokuhlala ezinokhuseleko nezifikelekayo ngokwezimali. Loo nto iza kwenzeka kwiNgqungquthela engeNdawo zokuHlala zabaFundi eza kubanjwa ngenyanga yeSilimela. “Okwangoku, sisebenza noMphathiswa wemiSebenzi kaRhulumente, uThulas Nxesi, ukuze sibone izakhiwo zikarhulumente ezingasetyenziswa ngokupheleleyo okanye ezingasetyenziswayo nezingajikwa zibe zindawo ezifikelekayo ngokwezimali kwaye zihlaleke kubafundi beedyunivesithi nabeekholeji.”

UKUKHUTHAZA UKUZIPHATHA KAKUHLE NANGOKUSEMPILWENI USekela-Mphathiswa uMduduzi Manana uthe ukukhuthaza ukuziphatha kakuhle nangokusempilweni kubafundi, iSebe leMfundo ePhakamileyo noQeqesho linephulo elibizwa i-First Things First, elilawulwa liQumrhu leMfundo ePhakamileyo likaGawulayo (i-HEAIDS), ziko elo elibonelela ngeenkonzo ezimbaxa zempilo nokuphila kakuhle. Oku kubonelelwa kuquka ukuhlololwa iNtsholongwane kaGawulayo (i-HIV) kunye nesifo sephepha (i-TB), amalungelo okuzala, ukucwangcisa, impilo yabadlezane, umhlaza webele nowesibeleko kwakunye nezifo ezizalwa yindlela yokuziphatha, phakathi kwezinye izinto. Uthe inani labafundi abeza ngaphambili ukuze bahlolwe linyukile kulo nyaka udluleyo. “Le nkqubo iquke abafundi nabasebenzi abangama-174 000 kunyaka wama-2015 uwodwa, kwaye abafundi abahlololwe i-HIV bangaphezu kwama-79% kunabo bahlolwayo kunyaka odluleyo,” uphawule ngelitshoyo uSekela-Mphathiswa. Wongeze ngelithi phantse ibe zizigidi ezingama-25 iikhondom zamadoda ezinevunjana eliminandana ezithe zasasazwa kumaziko emfundo ephakamileyo noqeqesho. USekela-Mphathiswa uManana uthe le nkqubo kutsha nje ivunywe njengeyona ingcono kweli lizwekazi, kwaye isebe lizimisele ukuyixananazisa ngakumbi kulo nyaka-mali. Iinkonzo eziqhubekayo zeengcebiso ze-HEAIDS zinceda abafundi bamelane nemeko yabo yokuba ne-HIV, wongeze ngelitshoyo. USekela –Mphathiswa uthe omnye umfundi washiya phakathi edyunivesithi akuba efunyaniswe ene-HIV ngokwephulo le-First Things First kwaye akayamkela le meko yokuba ne-HIV. Kodwa ngenxa yeenkonzo zeengcebiso nenkxaso ze-HEAIDS waba nako ukuqhubekeka ngezifundo zakhe kwaye ngoku ushiyekelwe ngunyaka qha phambi kokuba agqibe. “Ungomnye woonozakuzaku be-First Things First okhuthaza abafundi okokuba bayazi imeko yabo nobanika iingcebiso nenkxaso,” wongeze ngelitshoyo.

Amakhaya asemaphandleni afumana uncedo

Amukelani Chauke

ISebe loPhuhliso lwamaPhandle noBuye-kezo lwemiHlaba liza kuqinisa ilinge eliza kunceda ekulweni indlala nokunceda amakhaya asemaphandleni angama-10 000 kulo nyaka uzayo. Esandlala iVoti yoHlahlo Lwabiwo-maliyesebe lakhe kutsha nje ePalamente, uMphathiswa woPhuhliso lwamaPhandle noBuyekezo lwemiHlaba, uGugile Nkwinti uthe injongo yenkqubo yeKhaya Elinye, iHekthare Enye kukuncothula neengcambu indlala nokudala amafama amnyama asakhasayo, angabavelisi kwanabacoli beemveliso zolimo. Njengenxalenye yeli linge, ihekthare enye yomhlaba (okanye isitiya sabahlali) yabelwa onke amakhaya asweleyo. Amakhaya ayaxhaswa ukuze abe nemveliso yawo kwaye aqokelelwe azimanyano zamashishini adityanisewe nephulo lePaki zezoLimo. Le nkqubo ijoliswe ngokukodwa kumhlaba karhulumente nalowo sinokuwuchaza ngcono kakhulu njengowabantu nolawulwa zinkokeli zemveli, utshilo uMphathiswa. “Ilinge leKhaya Elinye, iHekthare Enye, liza kusiwa ebantwini kwaye layanyaniswa

nenkqubo yophuhliso yeePaki zezoLimo, ngaloo ndlela libonelele amakhaya athatha inxaxheba ngekroba eliluqilima lokuthengisa imveliso yawo,” uchaze ngelitshoyo. UMphathiswa uthe ekuqaleni, isithili ngasinye sezi Paki zezoLimo zingama-44 besineziza ezihlanu apho ilinge leKhaya Elinye, iHekthare Enye liza kusebenza khona. Iyonke loo nto iza kwenza iziza ezingama-220 kunyaka-mali wama-2016/17 “Ubuncinane amakhaya angama-50 aza kuthatha inxaxheba kwisiza ngasinye. Ngoko ke eli phulo liza kuxhanyulwa ngamakhaya asemaphandleni angaphezu kwama-10 500. Isebe libeke bucala imali ezizigidi ezili-100 zeerandi kunyaka wokuqala wokusebenza kweli linge lisebenzisa iMali yoHlengahlengiso noPhuhliso,” utshilo. **INKQUBO YEEPAKI ZEZOLIMO** Isebe likwahambela phambili ngesigaba esilandelayo sokusebenza kwenkqubo yeePaki zezoLimo kubo bonke oomasipala bezithili abangama-44, inkqubo yokuba kuveliswe ukutya, uyilo nokwakhiwa kweziseko ezingundoqo ezitsha, wongeze ngelitshoyo uMphathiswa uNkwinti. Uthe imali ezibhiliyoni ezimbini zeerandi

sele ibekwe bucala ukuze kwenziwe oku kunyaka-mali omtsha. “Ekukhawuleziseni isantya sokubuyekenza komhlaba sabela amafama asakhasayo umhlaba kwaye sikhusela nabantu abangathathi ntweni ekuthwaxweni yindlala, kuqukwa nabantu abaqeshwe ezifama kwanabo bazisebenzayo iifama. “Ngokubhekisele kulo mcimbi, imali ezizigidi ezingama-89 yabelwe ukubonelela ngenkxaso yezomthetho kwakunye nokulamla mayelana nabaxhamlileyo kwinkqubo yokubuyekenza komhlaba ukuze kukhuthazwe ukhuseleko lokuba ngumnini. Imali ezizigidi ezingama-791 zeerandi ibekwe bucala kulo nyaka-mali ukuze kuthengwe umhlaba ukuhambisana nale njongo. **INKQUBO-SIKHOKELO KAMAKULINGANWE** UMphathiswa uNkwinti ukwancome amafama athe enganyanzelwanga athabatha inxaxheba kule nkqubo yesebe lakhe, nto leyo eyenze amafama nabasebenzi basezifama bahlulelane ngokulinganayo ngobunini beefama ezirhwebayo. “UMongameli wathi ngowama-2013

kwiNtetho engoBume beSizwe ulindele ukuba lithi liphela ixesha lakhe lokuba ngumongameli ngowama-2019 ifama ezingama-50 kwezi zibe sele ziqalisile ukulinga kuzo...Siyababulela abantu abaze ngaphambili bathi sifuna ukuba yinxalenye yoku,” wongeze ngelitshoyo. UMphathiswa uthe njengenxalenye yenkqubo yokuPhucula amaLungelo Afanelekileyo Abantu abaSebenza uMhlaba (iNkqubo-sikhokelo kaMakulinganwe), sekutyikitywe izivumelwano ezili-10 ezinceda abantu abangama-540 kumhlaba oquka ihekthare ezingama-7 642. Ukuza kuthi ga ngoku zingaphezu kwama-50 izicelo ezamkelweyo zivela kumafama nemibutho. Inkqubo iza kukhawuleziswa kwaye imali ezizigidi ezingama-500 zeerandi ibekwe bucala ukufezekisa le njongo kulo nyaka-mali mtsha. UMphathiswa uNkwinti wongeze ngelithi emva kokuphinda kuvulelwe ithuba lesibini lokufaka amabango omhlaba, kuthe kufika umhla wama-31 kweyoKwindla kowama-2016 kwaba sekufakwe amabango angama-143 720 kwaye angama-27 696 kuwo efakwe kwii-ofisi zokufaka amabango

IVOTI YOHLAHLA LWABIWO-MALI

Ukusebenzela ukhuseleko kwiindawo ezihlala uluntu

Amukelani Chauke

Izikhululo zamapolisa ezitsha ezingoomahamba-nandlwana kwanamaziko asebenza ngemisebenzi ethile aza kubakho kulo nyaka sijonge kuwo, nto leyo eza kunceda ekubeni amapolisa abonakale ngakumbi kwaye uluntu lukhululwe ekubeni ngamakhoba olwaphulo-mthetho.

Le yenye nje yeendlela eza kuthi iNkonzo yamaPolisa yoMzantsi Afrika (i-SAPS) ilwe ngayo ulwaphulo-mthetho njengoko lo mcimbi ubuthiwe thaca kutsha nje kwiVoti yoHlahlo Lwabiwo-mali yeSebe lamaPolisa.

UMphathiswa uNkosinathi Nhleko uthe iSebe lamaPolisa labelwe imali ezibhiliyoni ezingama-80.8 zeerandi kunyaka-mali wama-2016/2017.

Ukusetyenziswa kwemali kwisigaba esiphakathi kunyaka-mali kuza kujoliswa kwimicimbi equka oku kulandelayo:

- Ukujongana nezinto ezisisigxina ezikhoyo.
- Ukwenza inkonzo yamapolisa ibe yenobuchule ngokuphuhlisa izakhono.
- Ukuthi gqolo kuqiniswa inkqubo yezobulungisa kwezolwaphulo-mthetho ngokuba negalelo ekuvuseleleni icandelo leenkundla namapolisa kwanokujika iinkqubo zibe zezala maxesha.
- Ukuqinisa isakhono seCandelo loGcinocwangco. Imali iyonke eyibhiliyoni eyi-1.957 yeerandi yabelwe lo mcimbi.

“Kulo nyaka-mali sinyuse imali ebekelwe iCandelo loPhando lwamaTyala Aphambili (ooKhetshe) ngebhiliyoni eyi-1. 431 yeerandi, eza kubonelela namaziko amatsha aza kujongana nemisebenzi eyodwa. Kwathathwa isigqibo sokuvuselela icandelo lezeCuba kunye nelokuLwa nokuPhanda ngemiPu ngenxa yokuba efuneka kwanangenxa yesimbonono sabemi beli,” wongeze ngelitshoyo uMphathiswa.

INDAWO ZOLUNTU EZIKHUSELE-KILEYO

USekela-Mphathiswa wamaPolisa uMaggie Sotyuthe ukusiwa elizweni lonke kwezikhululo zamapolisa ezingoomahamba-nandlwana kuza kunceda ekukhuthazeni ukhuseleko

ngakumbi kwiindawo ezihlala uluntu kwaye ngaxeshanye kwenze ukuba amapolisa aphinde athenjwe luluntu.

“Ukwaziswa nokusiwa ebantwini kwezikhululo zamapolisa ezingoomahamba-nandlwana kuza kuqalisa ngamandla ngoCanzibe wama-2016, kuqalwe eSite C eKhayelitsha, kuyiwe eLavender Hill, kwilali yaseCrossroads eNgqushwa, eBotshabelo eFre-yistata nakwezinye iindawo apho kugquba khona ulwaphulo-mthetho kuwo olithoba amaphondo,” wongeze ngelitshoyo.

Inkxaso-mali yezi zikhululo zamapolisa iza kuvela kwingxowa kazwelonke yamaPolisa.

USekela-Mphathiswa uphawule into yokuba ubucukubhede bokwakha isikhululo samapolisa kuquka amasebe amaninzi, nto leyo ethetha ukuthi kuza kuthatha ixesha ukugqiba ukuzakha.

Iindawo ezininzi ezilalini eMzantsi Afrika zinyanzela urhulumente ukuba asebenzise izikhululo zamapolisa ezingoomahambanandlwana, wongeze ngelitshoyo.

USekela-Mphathiswa ukwaxinise ukubaluleka kokubakho kwamapolisa ezilalini.

“Kufuneka siqinisekise ukuba abantu basezilalini abaziva ngathi inkonzo yamapolisa abayifumanayo yeyomgangatho ophantsi xa itholekiswa neyasezidolophini.

“Kufuneka siqhubekeke soyise abaphulimthetho abangamabutho nabazimisele kangangoko ukuba imfuyo ebantwini basezilalini nethandwa ngabaniniyo.

USekela-Mphathiswa uthe ulwaphulo-mthetho ezilalini asilolwakuba imfuyo kuphela, lukwaquka nokuxhatshazwa kwabantu ngokwesini, amaqela emigulukudu yolwaphulo-mthetho, ubundlobongela nokusetyenziswa gwenxa kwezinyobisi ezikolweni zasezilalini.

Umngeni amapolisa ajongana nawo ezilalini, uquka umgama phakathi kweelali neendawo ezimi zodwa emagqagaleni kwenza abantu bazive besengozini futhi benoloyiko olubaxe-



IInkonzo yamaPolisa yoMzantsi Afrika iza kuba ngathi iyabonakala ukuze kuqinisekise ukhuseleko kwiindawo ezihlala uluntu.

leyo lokuba ngamakhoba olwaphulo-mthetho, uphawule watsho.

“Iprojekthi yezikhululo zamapolisa ezingoomahamba-nandlwana iza komeleza iiNkqubo yeSebe yokuBonelela ngeNkonzo kuLuntu Ngqo. Le yinkqubo elungiselelwe kanye ukubonisa uhlobo lwepolisa elinikezela ngee-nkonzo ezikumgangatho ophezulu elifunwa ngabantu boMzantsi Afrika ukuba lubasebenzele. Yinkqubo efikelelekayo eluntwini eneendawo zokubonelela ngeenkonzo ezisabela kanye kwizidingo zabantu; inkonzo enobuchule neziphendulelayo emele ukunikwa ngamapolisa. Le nkqubo ikwaquka nokusekwa kobudlelwane nabo bachaphazelekayo nokubandakanyeka kunikezelo kweenkonzo zamapolisa,” utshilo.

UKUKHUSELA ABANTU ABASEMNGCIPHEKWE NI WOKUBA NGAMAXHOBA

USekela-Mphathiswa waleke ngelithi i-SAPS kungoku nje inamabutho amabini asetyenziselwa ukumela amalungelo abantu abasemngciphekweni wokuba ngamakhoba, ngokukodwa kwimimandla yasezilalini.

Uthe iButho le-SAPS lokuJongana nabase-

Tyhini lithatha inxaxheba kwiinkqubo ezibalulekileyo kwimimandla yasezilalini kwaye libonise ukuzinikela emsebenzini ngendlela eyodwa nethe kratya ebupoliseni kwaye libalule ubupolisa boluntu ngendlela eyodwa.

“Eli butho lixhase amakhoba aselekhulile okudlwengulwa kabuhlungu, laqinisekisa ukuba abenzi bobubi bolwaphulo-mthetho olubi kangakanana bayabanjwa kwaye bayagwetywa.

“Ngaphezu koko, iButho le-SAPS lokuJongana nabaseTyhini kunye nelokuLwela uTshintsho eMadodeni liza kuqalisa ngeenkqubo zokufundisa uluntu, nkqubo ezo eziza kujongana nengxaki yesiko lokuthwalwa kwabantwana abancinci kwimimandla yethu yasezilalini, ngokukodwa eMpuma Koloni.”

USekela-Mphathiswa uyigxininise into yokuba noxa urhulumente ezihlonela izithethe kukho izinto ezithile ezingamkelekiyo.

“Siyazihlonela izithethe ezakha isizwe, kodwa siyayicekisa into engathi yinkcubeko ecine-zela, ikhohlakalele, ixhwile kwaye idlwengule abantwana bethu egameni lesithethe.

“Siza kubabamba abo bakhohlakalela futhi baxhaphaze abantwana bethu babaxhwile bathwale egameni ‘lomtshato wesintu,’ utshilo.



UMzantsi Afrika uyaxhamla kutyalo-mali kwiziseko

Amukelani Chauke

Abemi boMzantsi Afrika bavuna iziphumo ezincumisayo ngemali egalelwe ngurhulumente kwiziseko ezingundoqo. Oku kwenzeka ngezikolo ezitsha, ukufumana amanzi, ukufakelwa umbane kwanganemisebenzi, phakathi kwezinye izinto

Oku kudandalaziswe nguMphathiswa wezoPhuhliso lezoQoqosho u-Ebrahim Patel kwiVoti yoHlahlo Lwabiwo-mali yeSebe lakhe.

Ngelinge lokunceda ekuvuseleleni uqoqosho nokudala imisebenzi, urhulumente ufaka imali eyibhiliyoni yeerandi ngosuku ngalunye lomsebenzi kwezo ziseko zingundoqo kumacandelo amaninzi.

UMphathiswa uphawule into yokuba yonke le nto inefuthe elihle ebomini babantu abangabemi boMzantsi Afrika.

Le mali incede urhulumente ekwakheni izikolo ezitsha ezili-160 kwanezindlu ezintsha ezibalelwa kuma-100 000; ekufakeni umbane kwizindlu ezingama-245 000 yaza yagalela iimegawathi ezili-1 700 zombane omtsha kuvimba wesizwe.

Le mali ikwancede urhulumente ukuba afake imibhobho emikhulu yamanzi ezikhilomitha ezili-100 engahambisa iibhiliyoni ngebhiliyoni zamanzi ngeveki ziwasa ebantwini nakumashishini. Ekwakhiweni kweekliniki ezintsha ezingama-29 kwanesibhedlele esinye esitsha, izakhiwo ezithathu zigqityiwe ukwakhiwa kwiDyunivesithi yaseMpumalanga nendawo entsha yokuhlala abafundi abangama-4 210 elizweni liphela.

“Sibenempumelelo ekwanje ekwenzeni iibhasi, iiteksi noololiwe, imigaqo evuselelweyo, iindawo ezintsha zokuhamba iibhasi kwaneendawo ezintsha ze-Wi-Fi kwimimandla yasezidolophini nasezilalini. Ukuqeshwa ngoku kwimisebenzi edalwe yile mali ifakiweyo ebalelwa kuma-291 000, kwakunye nokuqeshwa kwamanye amacandelo anxulumene neli lenkqubo karhulumente yokwakhiwa kweziseko ezingundoqo, into leyo idale imisebenzi engama-715 000,” utshilo.

UKUDALWA KWEMISEBENZI

Noxa uqoqosho lukhula kancinci, amawakawaka emisebenzi aye adalwa kulo nyaka udluleyo, waleke ngelitshoyo uMphathiswa.

“Kambe inani lemisebenzi emitsha lona kulo nyaka udluleyo libalelwa kuma- 700 000, kodwa kukho uxinzelelo olutsha ngokukodwa kumacandelo emigodi namanye ayeleleneyo, nto ezo ezisihluphayo,” utshilo.

UMphathiswa uPatel uthe i-AB InBev, inkampani yasamazweni ethe kutsha nje yazimanya nenkampani i-SAB Miller eyenza utywala neziselo ezingayobisiyo, ivume ukuchitha imali eyibhiliyoni yeerandi eza kunceda ukudala amafama akhulayo angama-800.

I-AB InBev izibophelele ukuba iza kunikezela ngemali eyibhiliyoni yeerandi kwilinge lokuphuhlisa amafama alapha ekhaya nezinye iinkampani ezinikela ngeenkonzo.

Malunga nezigidi ezingama-610 zeerandi zale mali iza kusetyenziselwa ukuxhasa uphuhliso lwamafama angama-800 amatsha nakhulayo kwakunye namafama angama-20 amatsha arhwebayo ukuze ongeze imveliso yerhasi,



Ukuzinikezela kukarhulumente ekwakheni iziseko ezingundoqo kukhokelele ekudalweni kwemisebenzi kumacandelo amaninzi.

ingqolowa yokwenza utywala, umbona nemithombo, kujongwe eqhingeni elinjongo yalo ikukudala imisebenzi emitsha engama-2 600 kwezolimo, waleke ngelitshoyo.

“Sivumelene kwelokuba le nkampani iza kubekela bucala imali ezizigidi ezingama-200 zeerandi yokuphuhlisa amashishini, phuhliso olo oluza kumisela iziko lokukhulisa amashishini likhuthaze ukuyila izinto ezintsha kwaye luxhase amaziko atatamisa amashishini amancinane.”

IINKQUBO ZEMFUNDO

I-AB InBev ibekele bucala imali ezizigidi ezingama-190 zeerandi kwiinkqubo zozinzo nezemfundo eziquka ukuphuhliswa kwemithombo engeminye yamandla ombane kulungiselewa ukusebenza kwenkampani ngokunokwayo,

ukuzibophelela okuhlisa izinga lenkunkuma kukhuthazwe ukungalahlwa kwamanzi aphinde asetyenziswe agcinwe.

“Kukho iindawo apha elizweni apho amanzi anqongopheleyo, hayi ngexesha lembalela kuphela kodwa ixesha elide. Bazibophelele kwiinkqubo zolutsha, ekukhupheni inkxaso-mali yokufunda kwabo bafundela ubunjineli kwanokuzibophelela ekongezeni amathuba okufunda usemsebenzini angama-200.

“Ndiyacinga into ebalulekileyo apha yeyokuba le nkampani ifuna ukusebenza norhulumente ukuqinisekisa kwiminyaka emininzi ezayo siyaliguqula eli lizwe lingabilolizwe lithenga ingqolowa yokwenza utywala kwamanye amazwe, koko libe lilizwe eliyithumela ngokwalo kunye nemithombo kwamanye amazwe,” waleke ngelitshoyo.